




UNIVERSITÄTS-
BIBLIOTHEK
PADERBORN

Concordata Nationis Germanicae Cvm S. Sede Apostolica Inita

[S.l.], [ca. 1580]


[urn:nbn:de:hbz:466:1-61582](https://nbn-resolving.org/urn:nbn:de:hbz:466:1-61582)



Jh. 4750.

M. II
15





CONCORDATA
NATIONIS GERMANICAE
CVM S. SEDE APOSTOLICA
INITA.

Seu

CONFIRMATIO CONCORDIAE
INITAE INTER FEDERICVM IMPERATOREM
PRINCIPESQVE GERMANIAE, AC LEGATVM
APOSTOLICVM SVPER RESERVATIONE ET COLLATIONE ECCLESIA-
SIARVM ET BENEFICIORVM ECCLESIASTICORVM.

Et

APPROBATIO CONSTITVTIONIS EVGENII
PAPAE IV. IN HIS, QVAE HVIVSMODI CONCORDIAE
NON ADVERSANTVR.

QVIBVS ACCESSIT CONSTITVTIO CLEMENTIS
Papa VII. Bullarij tomo 1. Et declaratio
Gregorij Papa XIII.

CONCORDATA
NATIONIS GERMANICAE
ET ALIARUM REGIONUM
AD
SACRAMENTUM
SACRAMENTUM

CONCORDATA
NATIONIS GERMANICAE
ET ALIARUM REGIONUM
AD
SACRAMENTUM
SACRAMENTUM

CONCORDATA
NATIONIS GERMANICAE
ET ALIARUM REGIONUM
AD
SACRAMENTUM
SACRAMENTUM

3

NICOLAUS Episcopus servus ser-
vorum Dei ad perpetuam
rei memoriam.

Exordium



AD sacram Petri Se-
dem, divinâ dispo-
sitione sublimati,
singulis, quæ pro
universalis ecclesiæ
unione, ac pace, &
tranquillitate profutura conspicimus,
Apostolicæ providentiæ sollicitudine
libenter intendimus, & ad felicem il-
lorum prosecutionem & consumma-
tionem, opem & operam impendi-
mus efficaces,

Federicus
Imperator
Principesq;
Germanie,
& legatus
Apostolicus
ordinationes
sive
concorda-
ta fecerunt
super
reservati-
one & col-
latione Ec-
clesiarum
& benefi-
ciorum.

§ 1. Nuper siquidem charissimus in
Christo filius Noster Federicus Ro-
manorum Rex illustris, & nonnulli
alii dilecti filii ecclesiastici & secula-
res Principes inlytæ nationis Germa-
nicæ ex una, ac dilectus filius noster
Joannes sancti Angeli Diaconus Car-
dinalis in partibus illis Apostolicæ se-
dis de latere Legatus per Nos ad di-
ctas partes missus sufficienti de super
à Nobis, & Sede Apostolica auctorita-
te consultus, ex alia partibus, Roma-
næ Ecclesiæ & dictæ Nationibus no-
minibus pro ipsius Ecclesiæ unione,
pace, & tranquillitate inter Ecclesiam
& Nationem prædictam perpetuò lo-
lidandis & conservandis, diversa ratio-
nabilia & utilia ordinationes & statuta
à partibus ipsis hinc inde approba-
ta, laudata, conclusa, acceptata &
concordata fecerunt ac ediderunt,
Nobisque humiliter supplicari fecerunt,
ut illis pro firmiori eorum subsi-
stentia robur Apostolicæ firmitatis
adjicere, nec non auctoritatem potio-

rem & decretum interponere digna-
remur.

§ 2. Nos itaque, qui statuta, ordi-
nationes, & concordata prædicta per
nonnullos ex Venerabilibus fratribus
nostris sanctæ Romanæ Ecclesiæ Car-
dinalibus, magnarum maturitatis,
auctoritatis, & literaturæ viros dili-
genter examinari & discuti fecimus,
eaque rationabilia & salubria tam
Ecclesiæ quàm Nationi præfatæ fore
comperimus; de dictorum & aliorum
Venerabilium fratrum Nostrorum
prædictæ Ecclesiæ Cardinalium con-
silio & assensu, Apostolicâ auctoritate,
& ex certa scientia approbamus, ra-
tificamus, laudamus, & acceptamus,
& præsentis scripti patrocinio com-
munimus, juxta modum & formam
subsequentes. Placet nobis super pro-
visione Ecclesiarum & beneficiorum
ecclesiasticorum quorumcunque pro-
visionibus juris scripti reservatione,
& Execrabilis, ac Ad regimen consti-
tutionibus modificatis ut sequitur.
Ad regimen Ecclesiæ generalis, quan-
quam immeriti, supernâ dispositione
vocati, gerimus in Nostris desideriis,
ut debemus, quod per nostræ diligen-
tiæ studium, ad quarumlibet Eccle-
siarum & monasteriorum regimina,
& alia beneficia ecclesiastica, juxta
divinum beneplacitum, & Nostræ in-
tentionis affectum, viri assumantur i-
donei, qui præsent & profunt commit-
tendis eis ecclesiis, monasteriis, &
beneficiis prælibatis. Præmissorum
itaque consideratione inducti, & sua-
dentibus Nobis aliis rationabilibus
causis nonnullorum prædecessorum
nostrorum Romanorum Pontificum

Qua Pont.
ipse appro-
bat modifi-
cando c.
execrabilis
& c. ad
regimen de
Præbend.
inter ex-
travagan-
tes com-
munes.

vestigiis inhaerentes, omnes Patriarchales, Archiepiscopales, & Episcopales Ecclesias, & etiam monasteria, prioratus, dignitates, personatus, & officia, nec non canonicatus, præbendas, & ecclesias, cæteraque beneficia ecclesiastica, cum cura, vel sine cura, secularia, & regularia, quæcunque, & qualiacunque fuerint, etiam si ad illa personæ consueverint, seu debuerint per electionem, seu quemvis alium modum assumi, nunc apud Sedem Apostolicam quocunque modo vacantia, & in posterum vacatura: nec non per depositionem, vel priuationem, seu translationem per Nos, seu auctoritate Nostra factas, & in antea faciendas ubilibet: nec non ad quæ aliqui in concordia vel discordia electi sive postulati fuerint, quorum electio cassata, seu postulatio repulsa vel per eos facta renunciatio, & admissa auctoritate Nostra extiterit, seu quorum electorum, vel postulatorum, & in antea eligendorum seu postulandorum electionem cassari, seu postulationem repelli aut renunciationem admitti per Nos, aut auctoritate Nostra continget apud sedem prædictam, vel alibi ubicunq;, & etiam per obitum Cardinalium eiusdem Ecclesiæ Romanæ, aut officialium dictæ Sedis quamdiu ipsa officia actualiter tenebunt (videlicet Vicecancellarii, Camerarii, septem Notariorum Auditoris, literarum contradictarum, & apostolici palatii causarum Auditorum, Correctorum, centum & unius Scriptorum literarum Apostolicarum, & viginti quatuor Pœnitentiariæ præfatæ Sedis, & viginti quinque Abbreviatorum,

nec non verorum Commensalium Nostrorum, & aliorum viginti quatuor Capellanorum Sedis eiusdem in epitaphio descriptorum) & etiam quorumcunque Legatorum, seu collectorum, ac in terris Romanæ Ecclesiæ Rectorum, ac Thesaurariorum deputatorum, seu missorum hactenus, vel deputandorum, aut mittendorum in posterum, nunc vacantia & in antea vacatura ubicunque dictos Legatos, vel Collectores, seu Rectores, & Thesaurarios antequam ad Romanam curiam redierint seu venerint, rebus eximi contigerit ab humanis, nec non quorumlibet pro quibuscunque negotiis ad Romanam curiam venientium, seu etiam recedentium ab eadem, si in locis à dicta curia ultra duas dietas legales non distantibus iam forsan obierint, vel eos in antea ab hac luce transire contigerit, & etiam simili modo quorumcunque curialium peregrinationis, infirmitatis, seu recreationis, vel alia quacunque causa ad quævis loca secedentium, si eos antequam ad dictam curiam redierint in locis ultra duas dietas ab eadem curia, ut præmittitur, non remotis (dummodo eorum proprium domicilium non existat ibidem) jam forsan decesserint, vel in posterum eos contigerit de medio submoveri, etiam nunc per obitum huiusmodi vacantia, vel in posterum vacatura. Rursus monasteria, prioratus, dignitates, personatus, decanatus, administrationes, officia, canonicatus, præbendas, & ecclesias, cæteraque beneficia ecclesiastica, secularia & regularia, cum cura, vel sine cura, quæcunque,

que, & qualiacunque fuerint, etiam si ad illa personæ confueverint seu debuerint per electionem, seu quemvis alium modum assumi, quæ promoti per Nos seu auctoritate Nostra ad Patriarchalium, Archiepiscopalium, & Episcopalium ecclesiarum, nec non monasteriorum regimina obtinebant tempore promotionum de ipsis factarum nunc quocunque modo vacantia, aut in posterum vacatura, nec non etiam per assecutionem pacificam quorumcunque prioratum, personatum, officiorum, canonicatum, præbendarum, ecclesiarum, aut beneficiorum aliorum per Nos, seu auctoritate Nostrarum literarum immediatè collatorum, seu conferendorum in posterum, præterquam si virtute gratiæ expectatiuæ assecutio fiet, nunc vacantia & in antea vacatura, plena super præmissis omnibus, & singulis cum fratribus Nostris collatione præhabita, & maturâ deliberatione secuta, ordinationi, dispositioni, ac provisioni Nostræ, de ipsorum fratrum consilio, auctoritate Apostolicâ reservamus. Decernentes ex nunc irritum & inane, si lecus super præmissis & quolibet eorum, per quoscunque quavis auctoritate, scienter vel ignoranter, contigerit attentari.

Clausula irritans.

Nicol. III. const. hic habes.

§. 3. Item placet Nobis, quòd in Metropolitanis & cathedralibus etiam immediatè non subiectis ecclesiis, & monasteriis immediatè subiectis sedi Apostolicæ, fiant electiones canonicæ, quæ ad dictam Sedem deferantur, quas etiam ad tempus Constit. fe. rec. Nicolai Papæ III. quæ incipit, Cupientes; expectabimus: & elapso

dicto tempore si non præsentatæ, vel si præsentatæ, minùs canonicæ fuerint, providebimus; & si canonicæ fuerint, eas confirmabimus, nisi ex rationabili, & evidenti causa, ac de dictorum fratrum consilio, de digniori & utiliori persona duxerimus providendum; proviso quod confirmati prædicti, & per eos provis, Metropolitanis suis, & aliis præstent debita iuramenta, & alia ad quæ de jure tenentur. Et in monasteriis dictæ Sedi immediatè non subiectis, & aliis regularibus beneficiis, super quibus pro confirmatione, vel provisione ad dictam Sedem non consuevit haberi recursus, electi, seu illi, quibus providendum est, pro confirmatione & provisione huiusmodi ad curiam Romanam venire non tenebuntur; ipsaque regularia beneficia sub expectativis gratiis non cadant. Ubi autem pro monasteriis ad dictam curiam venire seu mittere consueverint, non aliter confirmabimus vel providebimus, quàm superiùs de cathedralibus ecclesiis est expressum. Et de monasteriis monialium non disponemus, nisi sint exempta, & tunc per commissionem ad partes. De cæteris verò dignitatibus & beneficiis quibuscunque, secularibus, & regularibus vacaturis, ultra reservationes prædictas (majoribus dignitatibus post pontificales, in cathedralibus, & principalibus in collegiatis Ecclesiis exceptis; de quibus jure ordinatio provideatur per illos inferiores, ad quos alias pertinet.)

§. 4. Placet etiam Nobis, quòd per quamcunque aliam reservationem,

De collatione beneficiorum vacantium in mensibus ordinatio-

gratiam, expectativam, aut quamvis aliam dispositionem, sub quacunque verborum forma per Nos vel auctoritate Nostra factam vel faciendam, non impediamus Nos, quo minùs de illis cum vacabunt de *Februarii, Aprilis, Iunii, Augusti, Octobris, & Decembris* mensibus, liberè disponatur per illos, ad quos eorum collatio, provisio, præsentatio, electio, seu quævis alia dispositio pertinebat: reservatione, aliavè quavis dispositione auctoritate Nostra factis vel faciendis, non obstantibus quibuscunque.

De collatione beneficiorum vacantium in mensibus Sedi Apostolica reservatis. In hoc tamèn vide declaratiõnem Greg. XIII.

§. 5. Quotiens verò aliquo vacante beneficio in *Ianuarii, Martii, Maii, Iulii, Septembris, & Novembris* mensibus specialiter dispositioni dictæ Sedis reservatis non apparuerint infra tres menses à die notæ vacationis in loco beneficii, quod alicui de illo Apostolica auctoritate provisum fuerit, ex nunc & non antea ordinatio collationum beneficiorum non reservatorum per alternos menses possit per dictam Nationem publicari, & omnes, qui eà gaudere voluerint, tempus congruum habeant eam acceptandi, tunc quo ad dictam Sedem, à Kalendis Junii proximè futuris ipsa currere incipiet, & durabit deinceps, nisi in futuro Concilio de consensu dictæ Nationis aliter fuerit ordinatum.

De Annatarum solutione. De quo vide Inno. 8. const. 1. Apostolica. cū ibi not.

§. 6. Placet similiter Nobis, quòd circa provisionem dictæ Sedis ordinandum modus annatarum hoc modo currat. De Ecclesiis cathedralibus omnibus & monasteriis, virorum duntaxat vacantibus, & vacaturis, solvantur de fructibus primi anni à die vacationis, summæ pecuniarum in li-

bris Camera apostolica taxatæ, quæ communia servitia nuncupantur, & si quæ excessivè taxatæ, quod provideatur specialiter, in gravitatis regionibus secundum qualitatem, rerum, temporum, & regionum ne nimium prægraventur, ad quod perentibus dabimus commissionem in partibus, qui diligenter inquirent & retaxent. Taxæ autem prædictæ pro media parte infra annum à die habitæ possessionis pacificæ totius vel maioris partis, solvantur, & pro alia media parte infra annum sequentem, & si infra annum bis vel pluries vacaverint, semel tantum solvatur: nec debitum huiusmodi in successorem in ecclesia vel monasterio transeat. De cæteris verò dignitatibus, personatibus, officiis, & beneficiis secularibus ac regularibus quibuscunque, quæ auctoritate dictæ Sedis conferentur, vel de quibus providebitur (præterquam vigore gratiarum expectativarum, aut causâ permutationis) solvantur annatæ seu medii fructus iuxta taxam solitam à tempore possessionis intra annum, & debitum huiusmodi, similiter in successorem in beneficio non transeat. Sed de beneficiis, quæ valorem viginti quatuor florenorum auri de camera non excedunt, nihil solvatur: ducetque hæc observantia deinceps, nisi eam similiter in futuro concilio de ipsius Nationis consensu contingat immutari.

§. 7. In aliis autem, quæ per fel. rec. *Approbatum Eugenium Papam IV. etiam prædecessorem Nostrum pro dicta Natione usque ad tempus futuri generalis concilii permilla, concessa, indulta, & decre-*

cre-

læta, ac per Nos confirmata fuerunt, in quantum illa concordia præfenti non obviet, istâ vice nihil volumus esse immutatum: & per hoc, quod in concordatis huiusmodi, siue quibusvis aliis eorum occasione conficiendis literis, propter compendiosorem descriptionem, Alania specialiter appellatur, Natio ipsa ceteri non debet à Germanica Natione distincta seu quomolibet separata.

*Fides dan-
da tran-
sumpta.*

§. 8. Et prætereà quia difficile foret præfentes literas ad singula, in quibus de eis forsitan fides facienda fuerit, loca deferri, eadem Apostolica auctoritate decernimus quod ipsorum transumpto Metropolitanorum dictæ Nationis sigillo munito, tanquam præfentibus si exhiberentur literis plena fides adhibeatur, & perinde stetur, ac si dictæ præfentes literæ forent exhibitæ, vel ostensæ: & insuper quoque irritum & inane, si secus super his à quoquam quavis auctoritate scienter, vel ignoranter, contigerit attentari.

*Clausula
irritans.*

§. 9. Nulli ergò omnino hominum liceat hanc paginam Nostræ approbationis, ratificationis, laudationis, acceptationis, commutationis, reservationis, constitutionis, & voluntatis, infringere, velei ausu temerario contraire. Si quis autem hoc attentare præsumpserit, indignationem omnipotentis Dei, & beatorum Petri & Pauli Apostolorum eius, se noverit incursurum. Datum Romæ apud Sanctum Petrum, anno Incarnationis Dominicæ, millesimo, quadringentesimo, quadragesimo septimo, Kalend. Aprilis, Pontificatus Nostri anno secundo.

ANNULLATIO QUARVM CVNOVE dispositionum de beneficiis ecclesiasticis Sedi Apostolica reservatis obtentorum, contra formam Concordatorum inter Sedem Apostolicam & Nationem Germanicam à Principibus & Prælatibus quibuscunque.

Constitutio Clementis Papæ VII.

CLEMENS Episcopus servus servorum Dei ad futuram rei memoriam.

ADMONET Nos incumbentis *Exordium*
Nobis pastoralis officij cura, ut non solum Nobis, sed etiam cunctorum Christi fidelium, & præsertim ecclesiasticarum personarum profectibus diligenter intenti, illorum occurramus dispendiis, & quæ in cuiusque ipsorum præjudicium sive noxam quavis etiam auctoritate prodiisse comperimus, salubriter reformemus.

§. 1. Sanè dudum ad Nostram pervenit *Prælati & Principes*
notitiam, qualiter nonnulli Archiepiscopi, & Episcopi, ac Ecclesiarum *usurpabant*
Prælati, nonnulli etiam Principes, & *dispositio-*
Domini temporales inclitæ Nationis *nes benefi-*
Germanicæ, post miserabilem urbis *ciorum*
direptionem, collationes, & dispositi- *contra for-*
ones beneficiorum ecclesiasticorum *nam Con-*
Nobis, & Sedi Apostolicæ etiam vir- *cordato-*
tute CONCORDATORVM inter Se- *rum.*
dem, & Nationem præfatas reserva-
torum temerè usurpare præsumpe-
runt, ac collationes, & dispositiones
Nostras, & dictæ Sedis de illis factas
admittere contempserunt, nedum in
Nostrum, & ipsius Sedis vilipendium,
sed etiam in jurium Nostrorum, & e-
jusdem Sedis, ac illorum, quibus de
ipsis

ipsis beneficiis providimus, aut in quorum favorem aliàs disposuimus, seu provideri, & disponi mandavimus graue præjudicium. Et quamvis contra præsumptores, & contemptores huiusmodi in Bulla, quæ quotannis in die Cœnæ Domini de more lecta fuit, declaraverimus, & protestati fuerimus, quòd in præmissis, & aliis quibuscunque Juribus dictæ Sedi, & Sanctæ Rom. Ecclesiæ undecunque & quomodocunque quæsitis, seu quærendis per quoscunque actus contrarios, aut quomodolibet præjudicantes, tacitos vel expressos à Nobis, vel ab eadem Sede quomodolibet factos, vel faciendos, aut quemcunque temporis fluxum, vel patientiam, vel tolerantiam Nostram Nobis aut eidem Sedi nullatenus præjudicari debere,

Hic ideo Pontifex solatio- nes benefi- ciorum fructus contrafor- mam dicto- rum Con- cordato- rum irri- rat, hos provisos mala fidei possessores & ad re- situtio- nem fru- ctum te- neri decer- nit.

aut quomodolibet posse, tamen sic- ut, non sine animi Nostri mærore, intelleximus, nonnulli ex Archiepis- copis, Episcopis, Prælati, Principibus & Dominis prædictis, adhuc à præ- missis desistere non curarunt, nec de præsentibus curant, quinimò, quòd deterius est, ne provisiones Apostolicæ admittantur, per sua mandata etiam pœ- nalia prohibere non verentur, in ani- marum suarum grave periculum, & aliorum Prælatorum ac Principum Catholicorum dictæ Nationis perni- tiosum exemplum, & scandalum plu- rimum.

§ 2. Nos igitur, qui à dictis CON- CORDATIS, quæ olim Romanæ Ec- clesiæ, & dictæ Nationis hominibus pro ipsius Ecclesiæ unione, ac pace, & tranquillitate inter Ecclesiam, & Nationem prædictas perpetuò soli-

dandis, & conservandis laudata, con- clusa & accepta fuerunt, nullatenus recedere intendimus, ne dicti præ- sumptores, & contemptores; aut per eos in dictis beneficiis intrusi ex hu- jusmodi temeraria præsumptione glo- riosi valeant, nevé ipsi intrusi ex ad- ulterinis eorum titulis aliquem fru- ctum reportent, nec illis, quibus de be- neficiis prædictis per Nos aut dictam Sedem seu ejus autoritate provisum fuit, & in futurum providebitur, per a- licujus temporis fluxum, seu aliquam patientiam, vel tolerantiam præjudici- um fiat, aut factum censeatur, ex pa- storali officij debito providere vo- lentes, ac CONCORDATIS prædictis firmiter inhaerentes, Motu proprio, & ex Nostra matura deliberatione, ac certa scientia, autoritate Aposto- lica, de Apostolicæ potestatis pleni- tudine tenore præsentium declara- mus præsentas collationes, & alias dispositiones de quibuscunque bene- ficiis ecclesiasticis cum cura & sine cu- ra, Nobis & dictæ Sedi, vt præfertur retentis, per Archiepiscopos, Epi- scopos, Prælatos, ac sæculares princi- pes & Dominos quoscunque dictæ Nationis seu ad eorum præsentationem, vel nominationem, etiam per Ordinarios ipsorum beneficiorum collatores à tempore dictæ direptionis citra contra tenorem, & formam dictorum Concordatorum quomo- dolibet factas, & in posterum facien- das, personis quibus aut in quarum favorem factæ sunt, aut in posterum fient, nisi sint per Nos, aut Nostra, vel dictæ Sedis autoritate approba- tæ, nullum titulum, vel colorem ipsa

be

beneficia possidendi tribuisse, aut in futurum tribuere, sed, & illos pro maiore fidei possessoribus, & merè intrusis ab omnibus haberi, & censeris, ac fructus per eos ex beneficiis huiusmodi perceptos, & percipiendos, nullo unquam tempore suos facere, sed ad illorum restitutionem in utroque foro efficaciter obligatos esse, & ad illorum restitutionem, ad eorum, quorum interest, seu etiam fisci nostri instantiam, omnibus viis Juris, & remediis compelli posse, & debere, & eos nullo unquam tempore beneficio Regularum de annali, & triennali pacifico possessore gaudere potuisse aut posse.

Provisis autem à Sede Apostolica, iuxta tenorem Concordatorum iura quacunque reservatam agendi quando cunque contra intrusos.

§. 3. Illis verò, quibus eadem beneficia per Nos, aut auctoritate Nostrâ, vel dictæ Sedis, tenore & forma Concordatorum huiusmodi servatis, collata seu commendata sunt, aut in futurum conferentur, vel commendabuntur, nec non Ecclesiis, & locis ecclesiasticis ac collegiis, quibus perpetuò, vel ad tempus eadem auctoritate unita sunt, aut in posterum unientur, ac omnibus illis, qui in executione litterarum Apostolicarum eis concessarum per constitutiones, seu mandata Archiepiscoporum, Episcoporum, Prælatorum, Principum, vel Dominorum prædictorum, hætenus quomodolibet impediti fuerunt, aut in posterum impediuntur, dictas Regulas, & quemcunque temporis fluxum seu patientiam, vel tolerantiam minimè obstare debere, quò minus contra dictos intrusos, & intrudendos quoecunque tempore judicialiter experiri valeant.

Decretum irritans.

§. 4. Decernentes sic per quoscunque;

Judices, & Commissarios quavis auctoritate fungentes, Sanctæ Romanæ Ecclesiæ Cardinales, & Palatii Apostolici causarum Auditores sententiarum, interpretari, & judicari debere, sublata eis, & eorum cuilibet quavis aliter sententiandi, interpretandi, & judicandi facultate, & potestate, ac irritum, & inane, si secus super iis ab eis, vel quibusvis aliis quavis auctoritate scienter, vel ignoranter attentatum forsitan est hætenus, aut in posterum contigerit attentari.

Clausula derogatoria.

§. 5. Non obstantibus regulis, & aliis præmissis, aliisque constitutionibus, & ordinationibus Apostolicis, cæterisque contrariis quibuscunque. Ut autem præmissa ad omnium notitiam, deducantur, volumus, & mandamus præsentibus in Cancellaria Apostolica more solito publicari, & in quinterno ejusdem Cancellariæ describi.

Fides danda transumptis.

§. 6. Præterea quia difficilè foret præsentibus literas ad singula loca, in quibus de eis forsitan fides faciendæ foret, deferre, eadem Apostolica auctoritate decernimus, quod ipsarum transumptis, manu alicujus Notarii publici inde rogati subscriptis, & sigillo alicujus personæ ecclesiasticæ in dignitate constitutæ munitis, ea prorsus in iudicio, & extra, & aliàs ubilibet fides indubitata adhibeatur, quæ præsentibus adhiberetur, si essent exhibitæ, vel ostensæ.

Sanctio penalit.

§. 7. Nulli ergò omnino hominum liceat hanc paginam Nostræ declarationis, decreti, & voluntatis infringere, vel ei ausu temerario contraire. Si quis autem hoc attentare præsumpserit,

b

is,

rit, indignationem omnipotentis Dei, ac Beatorum Petri, & Pauli Apostolorum ejusle noverit incursum. Datum Romæ apud S. Petrum Anno Incarnationis Dominicæ millesimo, quingentesimo, trigesimo quarto: Cal. Julii, Pontificatus Nostri Anno undecimo.

Blofius.

Letta & publicat a suis in Canc. Apost. die 13. Julii M. D. XXXIII.

Et ego Laërtius vidi regist. in quintex. eisdem Cancel. fol. 330.

Declaratio Constitutionis

**GREGORII XIII. SVPER
CONCORDATIS GERMANIÆ.**

QVOD ORDINARII COLLA-
tores prætextu literarum Nicolai Papæ V. pro CONCORDIA Germaniæ, conferre non possunt beneficia ecclesiastica post tres menses, ex quo vacarunt, si de illis intra hoc tempus à Sede Apostolica provisum est.

GREGORIVS Episcopus servus servorum Dei ad futuram rei memoriam.

Nicol. V. statuit Ordinarios posse disponere de beneficiis vacantibus in mensibus Septembris, Octobris, & Novembris, in quibus vacantium Germaniæ beneficiorum Ecclesiæ const.

QVÆ in Ecclesiam Dei incommoda inferunt Nostra Nos expedit animadversione removere.

§. 1. Cùm itaque per literas fel. record. Nicolai Papæ V. Nationi Germaniæ pro illius unione, & concordia cum Sede Apostolica inter alia concedatur, ut quoties aliquo vacans fuerit à te beneficio Ecclesiastico, in mensibus Januarii, Martii, Maii, Julii, Septembris, & Novembris, in quibus vacantium Germaniæ beneficiorum Eccle-

siasticorum dispositio dictæ Sedis specialiter reservata est, non apparuerit intra tres menses à die notæ vacationis, in loco beneficii, quod alicui de illo Apostolica auctoritate provisum fuerit, ex tunc, & non antea Ordinarius, vel alius, ad quem illius dispositio pertinet, de illo disponere possit, & sæpenumero contingat, ut antequam inquisitio, quam plerumque etiam in concursu plurium, sive in partibus, sive apud dictam Sedem fieri oportet in vitam, mores, & doctrinam eorum, quibus de dictis beneficiis per Sedem eandem providendum est, compleri possit, aut antequam de ipsis provisionibus, seu de mandatis, quæ ad inquisitiones, & provisiones hujusmodi faciendas ab eadem Sede impetrantur, vel Motu proprio procedunt literæ Apostolicæ conficiantur, ve etiam antequam mandata ipsa à iudicibus, ad quos directæ sunt, recipiantur, vel recepta expediantur, interdum quoque literis Apostolicis expeditis, & gratia purificata, seu mandatis prædictis receptis, & inquisitione completâ, antequam omnimoda executio perficiatur, propter diversa impedimenta, quæ frequenter succedunt, tempus trium mensium, ex quo vacatio beneficii in loco ipsius nota est, expiret, ac proinde Ordinarii locorum, aut alii, ad quos talium beneficiorum dispositio, cessantibus Apostolicis reservationibus, pertinet, lapsa tempore prædicto, licet priusquam illud laberetur, provisionis sive alterius dispositionis de illis à dicta Sede jam gratia facta fuerit (quod ipsum ad tribuendum, & quæ-

quærendam jus satis superque esse certa juris interpretatione frequenter declaratum est) illa tamen conferre contendant: Qua de causa multis Religione, & pietate insignibus, quando ii post ostensum virtutis, & doctrinæ suæ specimen, atque inde immensos labores, & sumptus beneficiis potiri deberent, alii præoccupatores obtentu ordinatæ collationis hujusmodi contra adversantur.

*Hic Pont.
modo de-
clarat di-
ctam const.
Nicol. V.*

§. 2. Nos indignum rati, quod temporis mora, quam ad perscrutandum accuratius talium probitatem, industriam, & alia requisita intercedere pro utilitate Ecclesiæ necesse est, locum injuriis aperiatur, attendentesque verba prædicta (in loco beneficii cum verbis notæ vacationis) quæ protinus antecedunt, conjungi & ad illa duntaxat referri, ac voluntatem concedentis, sensumque concessionis, & literarum prædictarum sic esse, ut dispositio beneficii intra tres menses à die notæ vacationis à Sede prædicta fieri, de quæ gratia facta alicubi apparere debeat, quemadmodum re inter utriusque juris interpretes jam pridem controuersa summa ratione judicatum apparet: vix enim est, ut itineribus non modo infestis, aut prohibitis, quod ferè semper aliquo contingit, sed etiam expeditis quis ex tam longinquis regionibus ad dictam Sedem profectus, & in ea ad expediendum negotium, vel paulisper moratus, in easdem se recipere tanta temporis angustia possit. Quocirca æquitate & justitia suadentibus, præsentium auctoritate declaramus concessionem Nicolai Papæ, & lite-

ras prædictas locum omninò non habere, quod Ordinarii, aut alii collatores prædicti, post lapsum trium mensium ex die notæ vacationis in loco beneficii disponere possint de ullis beneficiis prædictis, aliàs sub concessione, & literis prædictis comprehensis extra Romanam Curiam in mensibus prædictis quomodo vacantibus, vel vacaturis, de quibus intra dictum tempus trium mensium per Romanum Pontificem, ac dictam Sedem qualiscunque gratia, vel dispositio, aut concessio facta fuerit. Ne tamen cuiquam licitum sit factam à Sede prædicta dispositionem hujusmodi in longum obtegere: illi quibus deinceps gratiæ hujusmodi concedentur, earum concessionum, fidem, & testimonium, intra tres menses à die notæ vacationis in loco beneficii hujusmodi, vel dictis collatoribus significare, vel in ipso beneficii loco publicare quoquomodo teneantur.

§. 3. Decernentes omnes, & quas- *Decretum
irritans.* cunque dispositiones de dictis beneficiis ab eisdem collatoribus post significationem, seu publicationem hujusmodi pro tempore factas, nullas & invalidas, nulliusque roboris, vel momenti fore. Sicque in quibusvis causis pendentibus, & futuris judicari debere. Necnon irritum, & inanè quicquid secùs super his ab eisdem collatoribus, aut quibuscunque aliis scienter, vel ignoranter contigerit attentari.

§. 4. Quod si fortè quisquam col- *Collatorum
inobedi-
entium pena* latorum prædictorum fuerit præsentium violator, eum à beneficiis, & offi-

b 2 & offi-

& officiorum collatione tamdiu suspendimus, donec ipse veniam petens restitutionis gratiam à Sede prædicta meruerit obtinere.

Exemplum fides. §. 5. Cæterùm volumus, ut præsentium transumptis, etiam impressis Notarii publici manu, & sigillo personæ in dignitate Ecclesiastica constitutæ obsignatis, eadem prorsus fides in iudicio, & extra illud ubique locorum adhibeatur, quæ adhiberetur, ipsis præsentibus si essent exhibitæ, vel ostensæ.

Sanctio penalis.

§. 6. Nulli ergò omnino hominum liceat hanc paginam Nostræ declarationis, decreti, suspensionis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctum Petrum, Anno Incarnatio-

nis Dominicæ, millesimo quingentesimo septuagesimo sexto, Kal. Novembris, Pontificatus nostri anno quinto.

M. Dat.


C. Glorierius.
A. de Alexiis.


Anno à Nativitate Domini MDL. XXVI. Ind. quarta die verò xxxix. mensis Novembris Pont. Sanctissimi in Christo Patris, & D. N. D. Gregorii divina providentia Papæ XII. Anno V. retroscriptæ literæ affixæ, lectæ, & publicatæ fuerunt, & per aliquod temporis spacium dimissæ in Valvis S. Joannis Lateranensis, & Principis Apostolorum de Vrbe, ac in acie Campi Floræ per nos Joannem Freyle, & Claudium Mongeat ejusdem S. D. N. Papæ Curiores.

Antonius Ludoicus
Magister Curforum.

Collegij soc. 1880 Paderborna 1669

F I N I S.





Honory vix. txd

Summa

JURIS CANON.

Th

4750